

Un anochi masha agradable y admirable

Diavierna anochi mi a pasa den un anochi cu tabata masha agradable y admirable, y mi por bisa cu di tur homenaje cu mi a presencia den mi bida na diferente persona, e anochi aki tabata esun di mas bunita cu mi a mira, y cu tabata na mi honor organiza pa Popcorn Club.

Enverdad, mi a hayami masha emocionada e anochi aki, y mi no por a kere cu e Juby cu nan tabata papia e anochi aki tabata ami mes.

Manera mi a bisa e anochi aki, mi a yega di nenga varios homenaje pasobra e "no ta mi cos", pero den e caso aki, Popcorn Dancers a sorprendemi cu nan anuncio dos luna pasa den Bon Bini Festival, y mi a aprecia esaki, pasobra el a sali for di juventud.

Mi tin cu gradici Popcorn Club pa e anochi inolvidable aki, pero ta remarca si cu si nan a bisami di e minuutnan largo di vuurwerk di antemano, mi lo a bisa nan "legumai esey".

Na e momento ey sin sa kico ta pasando ora e prome "boooooom" a dal, mi a bisa Sr. Lorenzo Salas sinta bandi mi. "Pober babynan y hendenan grandi cu ta durmiendo na e momento aki", pero no por a haci nada y sa cu el a ser haci di tur buena fe.

E anochi verdaderamente a emocionami masha hopi, tanto e palabranan expresa, e atencion henter anochi, e felicitationnan for di momento cu mi a yega te momento cu mi a bay cas, e sorpresa di Edgin Semeleer cu semper mi a aprecia masha hopi for di mucha cu el a cuminsa canta, y cu e anochi aki mi a mira mi mes den dje como cantante infantil di antes.

E plaquette cu palabranan masha bunita y e frase final "di bo yiunan di Popcorn club" tambe a conmovi mi persona, y e presencia di e elenco di Studio 84 di Cabaret Picante" kendenan tur a bini cu un regalo pa e anochi aki.

Mi a goza e anochi por completo mirando con juventud por organiza nan actividad limpi y bunita, con maestro di ceremonia Melvin Garcia, a sa di tene e publico anima na un manera di kita sombre.

Mirando e organizacion cu Popcorn Club tabata tin tras di e anochi aki, mi a pensa mes ora: "si Centro di Bario Dakota tin tanto problema continuamente, ta un club asina di juventud pa juventud mester pa sake di su problemanan" pasobra e jovennan aki sa kico ta organiza y TRAHA pa esaki.

Jovennan cu semper mi a conoce cu masha RESPET, cu un DISCIPLINA grandi y cu ta masha ACTIVO y ORGANIZA, y e anochi aki mirando e cantidad grandi di miembronan di Popcorn Club den movecion y organiza, bo ta kita sombre pa nan, principalmente con despues di e actividad nan a pone man na obra pa laga e centro completamente limpi.

Un club cu a cuminsa chiquito cu nan seccion di grupo di baile luchando y cu a crece bira e grupo di baile mas popular di nos isla, y na mes momento e grupo juvenil mas popular, representando nos isla internacionalmente cu exito grandi cada vez.

Savaneta, Romulo y Guechi Pietersz (q.e.p.d.) tabata floreciendo tipicamente na Playa.

Gruponan di baile a pasa den un tempo di "periodo abao" entre 1965 y 1975 y despues nos maestranan profesional a tuma over.

Nos maestranan di baile a bolbe di Hulanda y nos a haya gruponan di schoolnan di baile manera Simadanza cu a domina hopi aña cu Astrid Salazar, Diana Antonette cu School di Baile y di Ballet cu tambe a domina despues, y mas despues Sonia Gevers cu su school di Baile y Aruba Dance Formation cu tambe tabata e grupo di baile mas popular pa varios aña.

Den e mes epoca ey tabata tin tambe e grupo di Ro Albus cu tabata dedica mas na nos folklore.

Den e mes periodo ey, a lanta gruponan infantil manera Tuti Fruti di Maybeline Arends Croes, y Pierrewietje di Martha Figueroa cu mas bien tabata riba tereno di canto y cu a cambia poco poco cu baile tambe envolvi.

Tuti Fruti cu su muchanan infantil, despues nan a pasa pa Young Voices, Starlight y otronan pa Crystal y despues Melange, pero di e mes organizacion.

Martha Figueroa a categoriza su muchanan tambe cu Pierrewietje, y Flash y ultimo lunanan tambe cu Mini Flash prome cu nan sigui pa Flash.

Esakinan a sigui domina durante e periodo di decada 80 te cu a bini e epoca di juventud.

Esnan cu a habri esaki tabata Popcorn Dancers, y poco poco a haya gruponan masha admirable y cu awe ta representantenan bunita local y internacional di nos isla, manera Francie y su Superdancers, Le Chique Dancers cu awe no tey mas, Xanadu Dancers cu a pasa varios aña den poco publicidad y awe ta un di esnan grandi tambe, Arubaile di Judith Martha cu a pasa den su ups and downs y awe tambe ta un grupo admirable den su formacion nobo, Arudanza cu tambe tabata den e topnan, pasa pa inactividad y awe ta den su formacion nobo tambe. Un grupo cu a bira popular pa un tempo y cu awendia no ta mucho den publicidad mas ta "African Pride" cu tambe tabata tin su periodo, y na e momento aki, como grupo infantil esun cu ta manda ta MC-4.

Dos grupo cu no a ser menciona ta "Shining Stars" y muchanar St. Anna school na Noord. Shining Stars ta den su periodo di desaoyo, y St. Anna School ta un grupo cu anualmente ta cambia di integrante, segun klasnan y semper ta gusta.

Tur esakinan ta gruponan di baile cu mi tin di haber cu nan semanalmente den Bon Bini Festival y cu mi ta admira masha hopi pa nan disciplina y entusiasmo y nan interes di promove nos cultura.

E gruponan di nos grandinan ta un historia apart, pesey mi no a menciona nan aki.

E OTRO GRUPONAN DI BAILE ANTO?

Tur grupo di baile, tabata tin nan ups and downs, Popcorn Dancers tambe, pero nan mantene nan mes mas fuerte y organiza den transcurso di añanan y ta mas bien e ehemplo pa tur e otronan cu a sigui.

Den añanan 60 mi tabata tin dimi na Lago Heights, Bonaire Club y

UN GRATITUD DI CORAZON

Un gratitud di corazon ta bay na Freddy Tromp, Gina y tur miembro di Popcorn Club, y tur esnan cu a contribui na e anochi di homenaje cu pa mi ta un anochi inolvidable. Na mi coleganan cu ta yamami "Antieke Pronkstuk" of "fossiel na bida" di DIARIO, mi kier dal back porfin y ripiti local na no kier kere: "cos cu ta Antiek semper tin algo di balor"

Juby

Segun ir. Robert Maduro di MEP:

Splitsing di SETAR ta un mision sin ningun vision

ORANJESTAD (AAN): Robert Maduro di MEP, tumando nota di e ultimo desarojo pa loka ta trata e plannan di Minister Junior Croes pa splits Setar, a indica cu MEP mester bolbe reitira e mes un ponencia cu tempo di Fabela: gobierno ta vries tur nan plannan temporalmente, pa miedo cu e pueblo lo lanta contra nan.

"Pero si nos tuma nota di e plan di gobernacion di AVP/OLA II y e plan di

maneho di Ministro Junior Croes nos mester constata cu deliberadamente e gobierno aki kier splits Setar den un parti cu ta mas lucrativo cual lo worde yama Aruba Wireless Solution (AWS) y e parti condena pa haci gasto so, esta SETAR. Kico lo pasa despues di tempo cu e parti di Setar condena pa haci gasto so?

E parti aki naturalmente despues di tempo mester sera su porta. Y esun lucrativo ta

worde bendi facilmente cu compinchinan, amigo di partido y di famia. Esaki por pasa facilmente pasobra e statuut di AWS den forma di concepto no tin ningun clausula ta menciona cu ora gobierno kier bendi AWS, e mester bay parlamento pa aprobacion. Pues patrimonio por worde bendi cu socionan ki ora cu ta. E ora ey e "fabeltje" ta drenta di porta atras cu of bao di un otro nomber. Nos por a tende min-

ister Junior Croes gaba cu ta raport di ITU a recomenda pa splits SETAR, pero argumento real e no ta tresp.

Ta sumamente facil pa e minister sconde tras di un instancia. Partido OLA ta defende su maneho anti-pueblo di splits SETAR argumentando cu MEP ta biba den epoca atrasa pa motibo cu MEP ta para fuerte pa haci SETAR un N.V. estatal y cu splitsing di SETAR ta trece adelanto pa nos pais. Ta e mesun argumentonan aki a worde usa pa sr. Duke Croes y Glenbert Croes tempo cu e contrato di Fabela tabata den discusion. Y despues tur dos mester a acepta cu e contract tabata ilegal y contra interes di pueblo. Apesar di esaki nan ta keda usa mesun tactica di

tira santo den wowo di pueblo pa nan por sigui cu abuso cu patrimonio y placa di pueblo.

Un cos mester ta cla pa tanto Sr. Junior Croes como Sr. Eman, ya no mester convence pueblo cu Gabinete Eman II y III ta abusa di placa di pueblo. Cu Gabinete Eman II y III ta sigui haci tur lo posible pa bende patrimonio di pueblo cu intencion serio di saca probecho. Tur henda, hasta esnan di nan mes un partido ta conciente cu abuso di pueblo a yega su limite. Pesei, un apelacion na tur ciudadano di e isla aki, pa irrespecto bo escogencia politico, pa asisti y demostra bo desgusto y preocupacion pa loka ta pasando riba e isla aki, diahuebs awor. Hunto nos lo manda un mensahe bo cla cu abuso a caba.